

5808

institut. moral. pag. 2. libr. 12. cap. 16. quest. 18. Card. Tuscb. Concl. 301. num. 3. lit. P. add. Concl. 323. lit. T. Deinde in specie respon-²⁰
dendum est, quod cum civitas Romana ab initio corpus fuerit
ex variis quasi elementis congregatum, inque varia studia ac vitia
distractum, & conditor ejus Romulus populum Romanum ipse
fecisse dicatur, Flor. rer. Roman. lib. 1. cap. 1. non numeris etiam
omnibus absolute perfecta esse potuerit, vel fieri, ut vitia, in quæ
colluvies ista propendebat, uno die vel anno omnia extirparen-
tur; postmodum vero, ubi in sequentibus temporibus incrementa
cœpit, variis bellis involuta domi cuncta recte ordinare impedita
fuerit; multaque permittere necesse habuerit, quæ minus ei pro-
babantur, quæque cum successu temporis vires acquisivissent, cun-
ctis remediis validiora existebant. Sed nec negligentes Romani 21
fuerunt remediorum ordinariorum: dum non modo variis con-
stitutis pœnis deterrere cives à studio vagæ Veneris, sed multis
etiam propositis præmiis ad operam dandam legitimæ soboli invi-
tare voluerunt, ceu id aliunde satis constat. Permisérunt igitur
Romani necessitate adacti lupanaria, neutiquam vero ea legitima
reddiderunt; impunita reliquerunt, non autem approbarunt,
& cum tollere non possent, saltem quantum poterant, circum-
scripserunt. Quapropter cum lupanaria inter licita tantum jure
Romano referantur; non omne vero, quod licitum, honestum
audiat L. 144. ff. de reg. jur. Scortationes etiam, quæ in lupa-
naribus exercentur, secundum principia ejusdem in se & sua natu-
ra pro honestis non judicantur cap. meretrices II. cap. 32. quest. 4.
Menoch. de arbitr. judic. quest. Cas. 535. num. 14. Nec pro hone-²²
stis nunquam judicari poterunt, siquidem scelus in se continent
longe turpissimum: cuius turpitudinem ab eo petendam esse
autumamus, quod jam antea proposuimus ex L. 13. ff. ad L. Aquil.
scil. quod nemo membrorum suorum sit dominus: quod fluit ex
Regula L. pen. ff. de recept. arbitr. qua nemo sibi imperare posse
dicitur. Quod si igitur nemo imperium habeat in se ipsum, uero
nullus etiam in alterum imperium pertineat, nisi divinitus ipsi
fuerit collocatum, Jobann. 19. vers. 11. dominium quoque in corpus

E

suam